

Es paar Schnitzelbankväre vo der Bärner Fasnacht

Üsi Bundesrät – da hesch de ds Gschänk

U der Leue-eh-bärger-eh, der Kluge
fahrt a d Klimakonferänz im Zuge!
Sehr viil dümmer isch das scho,
dass dä wider zrugg isch cho!

Schlaf, Ueli, schlaf, der Blocher hüetet d Schaf.
We du schlafsch, de bruuchsch ke Gäld
für di beschi Armee vo 'r Wält.
Schlaf, Ueli, schlaf!

US, Boni, Gopferdori; Stüüre, Date, Kompromiss,
cheibe Schwoobe, hingerzoge, es bitzli gloge, mir hei Schiss!
Schwyge, muure, ei Salat!
Läck hei mir e Bundesrat!

D Widmer-Schlumpf seit: «'s mues eifach sy,
itz lade mir der Gaddhafi y
a nes Festival als Ehregascht
u gheie ne de grad i Knascht!»

Ufe letscht Vårs wartet dihr vergäbe,
dä singe mir öich nie im Läbe!
Das isch legal, das isch ke Bschiss,
das isch ganz eifach ds Bankgheimnis.